



REPUBLIKA E KOSOVËS/REPUBLIKA KOSOVA

GJYKATA THEMELORE PEJË

Numri i lëndës: 2020:074024
Datë: 30.05.2024
Numri i dokumentit: 05755818

C.nr.641/20

GJYKATA THEMELORE NË PEJË-Departamenti i Përgjithshëm, Divizioni Civil, me gjyqtaren Rajmonda Kurteshi, në çështjen juridike - kontestimore të paditësit B...me seli në P., të cilin e përfaqëson Kompania C.. L.L.C, sipas autorizimit, kundër të paditurit B.A., nga fshati T., Komuna P., me bazë juridike rimbursim dëmi, vlera e kontestit 880 euro, jashtë seance, me datën 30.05.2024 mori dhe përpiloi këtë:

A K T V E N D I M

I. KONSTATOHET e tërhequr padia e paditësit B...me seli në P., e parashtruar me datë 23.06.2020, kundër të paditurit B.A., nga Komuna P., me bazë juridike rimbursim dëmi, vlera e kontestit 880 euro.

II. Padia e tërhequr konsiderohet se nuk është paraqitur asnjëherë dhe mund të paraqitet në gjykatë përsëri.

Arsyetim

Në këtë gjykatë, paditësi, përmes të autorizuarit të tij, ka parashtruar padi, kundër të paditurit B.A., nga fshati T., Komuna P., me bazë juridike rimbursim dëmi, vlera e kontestit 880 euro.

Gjykata, me datën 22.03.2024 ka pranuar parashtresës e paditësit, përkatësisht nga i autorizuari i tij, me anë të së cilës parashtresë, ka deklaruar se e tërheqë padinë ndaj të paditurit me arsyetim se i padituri i ka përfunduar pagesat sipas marrëveshjes jashtë gjyqësore për detyrimin e tij sipas padisë.

Sipas nenit 261 par.1 dhe 2 të Ligjit Nr.03/L-006 për Procedurën Kontestimore (LPK), përcaktohet se: *“Paditësi mund ta tërheqë padinë pa pëlqimin e të paditurit deri në momentin në të cilin i padituri e paraqet në gjykatë përgjigjen në padi”* dhe *“Padia mund të tërhiqet edhe më vonë, deri në përfundimin e shqyrtimit kryesor, në qoftë se I padituri e jep pëlqimin për një gjë të tillë. Po që se i padituri brenda shtatë (7) ditësh nga dita e njoftimit për tërheqjen e padisë nuk deklarohet për këtë gjë, do të konsiderohet se e ka dhënë pëlqimin për tërheqjen e padisë”*, andaj në referim të kësaj dispozite ligjore dhe vlerësimit të shkresave të lëndës,

rezulton se plotësohen të gjitha kushtet ligjore që padia në këtë çështje kontestimore, të konstatohet e tërhequr.

Gjykata në bazë të nenit 261 par.1, 2, 3, 4 dhe 5 lidhur me nenin 387 par.1, pika c) të LPK-së, vendosi si në dispozitiv të këtij aktvendimi.

GJYKATA THEMELORE NË PEJË
Departamenti i Përgjithshëm-Divizioni Civil
C.nr.641/20, me datë 30.05.2024

Gjyqtarja,
Rajmonda Kurteshi

KËSHILLË JURIDIKE:

Kundër këtij aktvendimi nuk lejohet ankimi.